



DITAME SOBRE OS PROXECTOS DE DECRETO POLOS QUE SE ESTABLECEN OS CURRÍCULOS DOS CICLOS FORMATIVOS DE GRAO MEDIO E SUPERIOR CORRESPONDENTES AOS TÍTULOS DE:

1. Técnico en atención a persoas en situación de dependencia.
 2. Técnico en peiteado e cosmética capilar.
 3. Técnico en preimpresión dixital.
 4. Técnico superior en administración e finanzas.
 5. Técnico superior en animación sociocultural e turística.
 6. Técnico superior en asistencia á dirección .
 7. Técnico superior en comercio internacional .
 8. Técnico superior en deseño e amoblamento.
 9. Técnico superior en próteses dentais.
 10. Técnico superior en sistemas de telecomunicacións e informáticos.
 11. Técnico superior en son para audiovisuais e espectáculos.
-

O Pleno do Consello Escolar de Galicia, na súa sesión do día 27 de marzo de 2012, emite o seguinte ditame en relación cos proxectos de decreto polos que se establecen os currículos dos ciclos formativos de grao medio e superior de once novos títulos de técnico e técnico superior de formación profesional.

1. O Consello Escolar de Galicia recoméndalle á Administración educativa que desdobre os grupos de formación profesional que superen os 20 alumnos e alumnas, sobre todo naqueles que resulten perigosos para o alumnado e profesorado, no tocante a manexo de produtos ou aparellos de risco. Nesta rateo debe contar o alumnado repetidor.
2. Tamén recomenda que se introduzan nos currículos dos ciclos formativos, se fora preciso, módulos propios para reforzar contidos non relacionados co coñecemento do contorno e sistema produtivo galego e adaptar ao mesmo o desenvolvemento da súa profesión.
3. O Consello Escolar de Galicia propón que se engada un artigo, antes das disposicións adicionais, sobre a rateo establecendo o número máximo de alumnos e alumnas por aula en 20.
4. Tamén propón que se engada un artigo máis antes das disposicións adicionais sobre o uso do galego, no sentido de incluír en cada título un artigo indicando que módulos debe ser de obrigada impartición en galego para que se cumpra a lexislación vixente.
5. Así mesmo, recoméndalle que se adopten as medidas adecuadas para adaptar os centros e equipamentos á posta en marcha dos títulos de formación profesional que emanan da Lei orgánica 2/2006, do 3 de maio, de educación.
6. Para todos os decretos propónse a inclusión dunha disposición transitoria segunda co seguinte texto: **"A Consellería de Cultura, Educación e**



Ordenación Universitaria contemplará medidas de apoio ao profesorado, especialmente na formación permanente e na investigación e innovación nesta etapa educativa, para contribuír ao mellor desenvolvemento e aplicación destes novos currículos”.

7. O Consello Escolar de Galicia recomenda á Administración educativa que se adopten medidas para dotar de competencia lingüística en galego a aquel alumnado que non cursou os estudos previos en Galicia e non dispón desta competencia.
8. Tamén recomenda á Administración educativa que declare a superficie como mínima nos espazos e aularios, así como nos obradoiros.
9. Así mesmo, recomenda e solicita á Administración educativa que implante no prazo máis breve posible o curso ponte para pasar do ciclo medio ao ciclo superior de formación profesional.
10. Para os decretos que establecen os currículos do ciclo superior en administración en finanzas e o ciclo superior de asistencia á dirección, propónse a supresión da expresión en negriña que aparece no anexo II.B de cada decreto, que se indica: “Mesas **de oficina** equipadas con:”.
11. Para o decreto que establece o currículo do ciclo superior de comercio internacional propónse que se engada no anexo VI un **novo módulo de segunda lingua estranxeira** (francés).
12. Por último, propón un texto de substitución para o artigo 13º dos proxectos de decreto de ciclos formativos de grao superior. O texto quedaría como segue: **“Terá preferencia para acceder a este ciclo formativo o alumnado que cursara a modalidade de bacharelato de ciencias e tecnoloxía, o bacharelato científico ou o bacharelato tecnolóxico”.**

O Secretario

José Alejo Losada Aldrey

V. e pr.
O Vicepresidente

Fernando del Pozo Andrés

